

Dienelkander



Nuusbrief van die Gereformeerde Kerk Potchefstroom-Oos

19 Junie 2016

OGGENDDIENS: Ds. Karel

Skriflesing: Matteus 11:2-19 (Afrikaans
Direkte Vertaling)

Teks: Matteus 11:11

Tema: Die koninkryk van God: waar geringe
mense belangrik word!

In die afgelope fokustyd het ons gehoor dat gesinne 'n ruimte is waar daar getuienis gelew word - nie net teenoor mekaar nie, maar ook teenoor mense wat nie glo nie. Wanneer ons die evangelie met die mense rondom ons wil deel, sal ons ook oor die koninkryk van God moet praat.

Maar wat is die koninkryk van God? Die antwoord op hierdie vraag is té lank en té groot vir een preek. Daarom gaan ons die volgende paar weke by Matteus 11 en 12 stil staan om iets van die koninkryk van God te leer. Ons begin hierdie reeks deur te hoor dat die koninkryk van God geringe mense belangrik maak.

Lofprysing en aanbidding

Ps. 92:2: 1, 3, 4, 5

Ontmoetingsdiens

Intreelied: Lied 169: 1, 3; Votum; Seën; Loflied
Ps. 146-1: 1, 2, 8; Geloofsbelijdenis: Apostolies

Verootmoedigingsdiens

Wet Matteus 22:34-40; Sing Ps. 72-1:1, 11;
Gebed

Woorddiens

Skriflesing; Woordverkondiging;
Sing Sb. 10-1: 1, 2, 4

Antwoorddiens

Liefdegawes; Gebed vir BNB;
Sing Ps. 145-2: 1, 2, 3, 9; Seën;
Amenlied Sb. 13-3.

GROEPBEDIENING

Daar sal nie vanaand of 3 Julie 'n groep by die kerk bymekaar kom nie omdat ds Piet met verlof is.

MEELEWING

- Odelia Venter (Groep 40 - 083 290 1572) se operasie het baie goed afgeloop. Sy sterk reeds tuis aan.
- Lou Venter (Groep 45 - 082 566 5879) se operasie het goed afgeloop. Hy sterk tuis aan.
- Francois de Villiers (Groep 12 - 084 093 8001) was Vrydag weer opgeneem vir ondersoeke rakende sy mantelvliesbreuk.
- Oom Andy Pretorius (Groep 21 - 076 391 6402) was die afgelope week opgeneem in die hospitaal met hartversaking en longontsteking. Hy is intussen ontslaan en sterk tuis aan.
- Evelyn Schutte (Groep 16 - 079 492 0353) se operasie het baie goed afgeloop. Sy is reeds uit ICU na 'n gewone saal geskuif in Mooimed.
- Pieter Bredenkamp (Groep 23 – 082 879

7507) ondergaan Dinsdag nog 'n handoperasie.

- Koot van der Walt (Groep 38 - 079 395 2789) se kleinseun, wat vir 'n geruime tyd in die Neonatale Intensieve Sorg was met longontsteking, het die afgelope week in die Here ontslaap. Ons bid hulle hele familie die troos van die Here toe.
- Daar is baie lidmate wat gebuk gaan onder griep en verwante siektes en ons bid almal spoedige beterskap toe.

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Marianne Kruger, Bettie Ras, Janet vd Walt, Hester Buys, brs. Isak vd Walt en Tjaart Snyman.

ONDERSTEUNING VIR SIEKES

Vir ondersteuning of besoek deur die hospitaalbesoeke-diensgroep, skakel hierdie week vir: siekles@oosdoppers.co.za of Em Volschenk (082 564 1940)

ONS GROET

- Nadia de Klerk wat met attestaat na Die Bult gemeente vertrek.
- Alta Marais wat gemeenskap opsê.

BAIE GELUK

Frans Kruger se pa, Pieter Kruger word Woensdag, 22 Junie 'n volle 99 jaar oud! Ons is saam met julle dankbaar vir so 'n geseënde lewe!

AFKONDIGINGS

Vandag

9:00 Gebedsgroep

09:30 Oggenddiens

Geen Kleuterbediening

Geen Katkisasie

Tee en Koffie

Groepbediening soos gereël in groepe

Dinsdag

Geen Manne-ondersteuningsgroep tot na die skoolvakansie
19:00 Sustersamekoms

Woensdag

18:30 Gebed & Ondersteuning

Vrydag

Skole sluit

VERJAARSDAE

Baie geluk aan almal wat DV hierdie week verjaar!

Sondag, 19 Junie

Sr Hestie J v Rensburg	072 383 9510
Br Meyer Joubert	083 357 8017
Jsr Anchen Schutte	
Br Dana Schutte	082 373 1519
Jbr Bernard Stavast	079 440 1733

Maandag, 20 Junie

Sr Elna Jordaan	073 705 4554
-----------------	--------------

Dinsdag, 21 Junie

Sr Erika Kruger	082 428 7386
Br Anton Styger	078 114 1757
Jbr Christiaan v Zyl	

Woensdag, 22 Junie

Sr Bettie Ras (90)	018 294 8953
Br Niekie vd Walt	084 601 3235
Br Gerrie v Deventer	083 450 2518
Jsr Elbè v Jaarsveld	

Vrydag, 24 Junie

Sr Marijke Faught	072 216 1447
-------------------	--------------

Saterdag, 25 Junie

Sr Therese Coetzee	082 334 9064
Jbr Sarel-Francois Haasbroek	

ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Ekumenisiteit: London.
- Gawe volgende Sondag vir die Teologiese studentekas.
- Vrywillige bydrae vir voertuigsekuriteit in die bussies by die deure.
- Diensbeurte: Groep 37 en 38.
- Ds Piet is met verlof vanaf 16 Junie tot 7 Julie.

- Ons kosters, Johan en Elsa Coetzee, is vir twee weke met verlof. Lidmate wat in hierdie tydperk sleutels benodig moet asb met Adele in die Kerkkantoor reëlings tref.

BYDRAES VIR BIBLES FOR BELIEVERS

Baie dankie aan elke groep of individuele lidmaat wat bygedra het vir hierdie projek. Ons kon 'n mooi bedrag van R7110 aan hulle oorbetaal.

MILDE HANDE

Ons groep werk vlyting voort met hekel, brei en naaldwerk vir speelgoed vir 2016 se Kersmark. Almal wat wil inskakel is baie welkom - ons werk elke Donderdag-oggend vanaf 10:00 by die kerk.

KENNISGEWINGBORD

- Cachet Skoolverlaterskamp 3-8 Julie

AMANDELBLOEISELS

Ds Piet het vir ons geopen deur te lees uit 1 Joh. 3: 11-17. Dit handel oor die liefde vir mekaar en bowenal liefde vir God, daar Jesus Christus sy lewe afgelê het uit liefde vir ons.

Kola en Erika Kruger was ons gaste. Hulle het ons ooggend met musiek en sang kom opvrolik met langspeelplate uit vervloë dae, sover terug as die vyftigerjare en selfs vroeër. Dit het groot byval gevind by almal. Hans Leijenaar het omtrent vir ons ore aangesit met sy kennis van die kunstenaars uit daardie era. Hy het feitlik al die antwoorde verskaf wat Kola gevra het. Verder het ons heelik gekuier met 'n bakkie sop om die innerlike te versterk. Baie dankie aan die gasvrouens, en beste wense tot ons weer saam kuier.

DANKIE

Beste Oosdoppers

Ek moet weer dankie se en die woorde ontbreek my totaal! Die 16de Mei is ek in Medi Clinic opgeneem vir n knievervanging. Soos julle weet bly ek nou in Pretoria naby my kinders en hulle kon weens hulle familie-verpligte nie die volle twee weke van my tyd in Potch by my wees nie... Van die eerste dag af het die gemeente my oorval met besoekers! Ek kan nie eers begin om vir julle elkeen dankie te se nie! Dit het my vrese gestil om te weet dat so baie mense vir my bid

en omgee. Ek wil nie graag name uitsonder nie, want ek weet dit is nie net die wat my besoek het wat vir my gebid het nie. Julle gebede het my gedra deur n suksesvolle operasie! Baie, baie dankie dat julle my nie vergeet het nie.... Dankie dat ek steeds deel van julle liggaam in Christus is al is my lidmaatskap by 'n ander gemeente... Dankie vir al julle omgee, die eetgoedjies, julle tyd om te kom kuier, die geestelike kos wat julle so getrou gebring het! Dit is al hierdie dinge wat maak dat ek my gemeente en kosbare vriende in Potch mis en na julle verlang!

Mag elkeen van julle ryklik geseen word en guns ontvang uit Sy hand!

Met baie liefde, June Kruger

KONINGSKINDERS

Wil jy of jou Bybelstudiegroep/Kleingroep betrokke raak met die bediening van die Evangelie onder families in nood in Potchefstroom? Dan is Uitreik Koningskinders dalk 'n plek waar jy/julle betrokke kan raak. Ons kamp DV 14-16 Oktober by Nooitgedacht Kampterrein met 'n paar van die gesinne. Kontak gerus vir Willem van der Meer (073 021 6871/kkpotch@gmail.com) indien jy belangstel of meer wil weet.

SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.



Karel se preke kan ook aanlyn besigtig word by

<http://karelsteyn.blogspot.co.za/>



KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

Susters



TEESKINKGELEENTHEID



Tee word vandag in die Skuur bedien onder die leiding van Shantell Andersen (groep 31), Annatjie Vermeulen (Groep 32) en Magdaleen Venter (Groep 45).

Volgende week skink Stephanie Earle (groep 34), Alicia Bruwer (Groep 35) en Anine Korb (Groep 36) tee.

Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE



Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoordeeltes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. Baie dankie aan almal wat so getrou vir ons die vol blikkies bring.

SUSTERSAMEKOMS

Baie dankie aan Hestie en die groepsusters van Blok A wat vir 'n heerlike aand gesorg het.


BAIE DANKIE AAN ONS BORG VAN DIE WEEK!

VIVIERS INGELYF

PROKUREURS

Skakel Pierre Viviers vir die volgende regsdienste:

* Opstel van testamente	Eerstevloer
* Boedel- en aftreebeplanning	Octrongebou
* Bereddering van bestorwe boedels	James Morokalaan 62
* Stigting van trusts	Potchefstroom
* Registrasie van onroerende eiendom	(018) 297-5201 k/u
* Siviele litigasie – Hoë- en Landdroshof	pierre@viviersattorneys.co.za
* Skuldinvorderings	
* Huweliksvoorwaardeskontrakte	
* Lugvaartregsdienste	
* Lugvaartversekerings – FSP nommer 43890	



OOSDOPPERTJIE-NUUS

NUUS UIT DIE BYBELKOERANT

Deur ons verslaggewer: J. Thom

Fotos: G. Oogle



Farao se sewejaarplan om honger te keer

AVANIS. - Die farao het vandag hier op 'n nuuskonferensie 'n sewejaarplan genaamd GVE (Graan vir Egipte) bekend gestel. Die doel van die GVE is om genoeg graan op te gaan, sodat niemand in geval van 'n langdurige droogte broodgebrek sal ly nie. By dieselfde geleentheid het hy aangekondig dat hy 'n buitengewone pos geskep het om te verseker dat die inwerkingstelling van sy plan vlot verloop. Die man wat hierdie pos sal beklee, is Josef, 'n jong Hebreër van dertig jaar oud. Hy sal in rang net onder die farao staan, en dus tweede in bevel in die land wees.

In 'n plegtige seremonie het die farao sy seërling afgehaal en dit aan Josef se vinger gesteek. Hy het 'n spesiale linnekleed aan hom oorhandig en 'n goue ketting om sy nek gehang. Hy het ook die tweede beste wa in Egipte as rytuig ontvang. Die farao het daarna vir Josef geluk en sterkte toegewens en 'n beroep op al sy onderdane gedoen om hulle volle samewerking aan

hom te gee. Hy het onder meer gesê: "Ek bly die farao, maar sonder sy toestemming mag niemand in Egipte 'n vinger verroer of 'n voet versit nie."

Farao het die GVE-plan gekry nadat hy in 'n droom deur die gode gewaarsku is dat daar sewe jare van oorvloed wag, wat onmiddellik daarna opgevolg sal word deur sewejaar van ongekende droogte. Die man wat die droom vir hom uitgelê het, was Josef, wat nou bevorder is tot eerste minister.



Lees hiervan in Gen. 41: 37-57